



王黃州小

畜集

四部叢刊集部

上海涵芬樓借江南
圖書館藏經鉏堂鈔
本影印原書高營造
尺六寸半分寬四寸
二分

宋王黃州小畜集原序



王高福

內翰王公以文章道義被遇太宗皇帝視草北門代言
西掖眷接優隆聲望最重咸謂咫尺黃閣矣偶坐事左
遷咸平初來於齊安在郡政化孚洽容與暇景作竹樓
無愠齋睡足軒以玩意邦人沐浴恩惠為繪像立祠東
坡居士嘗親拜其下歷歲滋久經涉兵盜無一存者風
範歇絕音徽眇然良可太息平生撰著極富有手編文
集三十卷名曰小畜集其文簡易醇質得古作者之體
徃往好事得之者珍秘不傳以故人多未見虞卿假守

於此追訪舊址躊躇增慨想見其人思欲以次興葺而
鈍拙無能數過不瞻輒且先其大者因以家笥所藏小
畜集八本更加點勘鳩工鏤板以廣其傳庶與四方學
者共之紹興丁卯皇上祀紫壇之明年六月庚申歷陽
沈虞卿書

王黃州小畜集卷第一

籍田賦 并序

臣謹按周制孟春之月天子親載耒耜躬耕籍田所以
事天地山川社稷先王醴酪粢盛于是乎取之恭之至
也自周德下衰禮文殘缺故宣王之時有虢公之諫秦
皇定伯鮮克由漢祖龍興日不暇給孝文孝景始復行
焉昭帝美田亦其義也後漢永平中明帝東巡耕于懷
縣非古制焉魏武親耕闕百官之禮蓋草創爾晉武太
始之年畧脩墜典宋文元嘉之代亦舉舊章齊用丁亥

之辰梁以建卯之月後魏北齊沿革有異隋朝唐室文物可觀太宗行之于前明皇繼之于後自茲已降廢而不用將煥先農必待真主皇家享國三十載陛下嗣統十四年武功已成文理已定乃下明詔耕于東郊百執脫隨三農知勸禮官博士蹈舞而草儀甸師嗇夫歌詠而供職右拾遺直史館主禹偁再拜而颺言曰耕籍之義大矣哉千畝之田三推之禮所以教諸侯而事上帝率人力而成歲功實邦國之彛章皇王之大典昔潘安仁賦之于晉岑文本頌之于唐今王道行矣王籍脩矣

神功帝業煥其有光宜暢煩聲以播樂府謹上籍田賦
一章雖不足形容盛德亦小臣勤拳之至也其詞曰

十四年兮帝業遐宣寰區宴然乃順考于古道將躬耕
乎籍田務本勸農稽前文而備矣事神教養舉墜典以
行焉萬國歡心而懌々百官供職以度々草儀注于有
司議沿革于遺編築北蟬之三陞閔阡陌之百廛文物
聲明合禮經而有度旌旂衣服應方色而不愆既而屆
孟春擇元日太史先奏天子將出是月也道人徇路星
鳥中律當東郊之迎春是東作之平秩皇帝于是即齋

宮舜帝室戒錫鸞嚴警蹕乘青輅以有成儼朱紘而無
逸佩乎玉也懸黎之色蒼々載其焉中呂之之雲鬱々
屬車負播殖之器後宮獻種稔之實紅縻黛耜服葱瞎
以陸離縹紕紺轅駕蒼龍而飄歛太常之禮具舉司農
之屬各率甸師掌舍警御陌以帷嚴封人野廬設墳宮
而靡夫子國之東千官景從風清塵而習々雨洒道以
濛々時也木德盛陽氣充春芒甲拆青々兮蔥々春土
脉起油々兮溶々冠蓋蔽野珮環咽風狀浮雲兮隨應
龍旂幟張日車徒塞空若衆星兮環紫宮脩農事以暢

惕龍春服之重，尔乃配少皞祠光農尸，祝無媿豆，籩
以供太牢之牲，荐之而肥膾太簇之樂，奏之而舂客于
是脩帝籍，勞聖躬，撫御耦以無怠，履游場而有蹤，將循
乎千畝之制，豈止乎數步之中，耕鉤盾之弄，田但矜兒
戲，脩建康之春籍，未煥農功，有以見萬乘之尊，三推而
舍，或五或九，降殺之義，有倫尔，公尔候貴賤之班，相亞
嗇夫，洒種以斯畢，庶人終畝而告罷，千耦其耕，煥乎禮
成，播百穀兮，率人力，訶載芟兮，揚頌聲，將見乎餘糧棲
畝，腐粟如京，神倉令納乎黍稷，以備粢盛，廩犧氏收其

藁秸用餉犧牲親畝畝兮化被重民天而教行自得訓
農之實非貪慕古之名然後下青壇埽絳闕百姓知勸
群后咸謁在鎬之宴啟歌虞之音發獻萬壽兮惟呼奏
九韶兮鑑越開三面以行惠宥五刑而慎罰恩流于孝
悌力田德被于雕題辨髮興五土之利固必躬而必親
同三代之風復不務而不伐大矣哉籍田之禮豈三年
而不為躬耕之義將百代而可知我所以舉久廢之典
定不刊之儀慮弗動於四休將有害于三時務農桑兮
為政本興禮節兮崇教資民乃力穡歲無阻飢神農斷

木之功我其申矣后稷播時之利我得兼之供巨鬯以
斯在介豐平而有期丕顯事天之禮誕謌祈社之詩祀
山川兮神鑒明矣配祖考兮德馨遠而永錫純嘏用光
孝思乃作頌曰倬彼東郊公曰是闢大君戾止言耕其
籍帝籍既脩乃及公戾親尔耒耜勤尔田疇言耒耜稷
祀于園邱億萬斯年以承天庥又曰倬彼東郊耕壇其
崇大君戾止言詞其農之功既勗乃知榮辱尔家以給
尔人以足言奉蒸嘗遍于比屋億萬斯年以介景福

園林犬賦

嘉彼御犬既良且馴蒙先朝之乃眷向皇宮而托身有
警蹕以皆從無起居而不親繡組飾以煒々金鈴奮而
振々飼以公庖彭澤之魚兮曾何足道畜之土性西旅
之契兮詎得同倫健隨天步慵眠地茵効玲比夫異獸
供命等乎迹臣若乃風暖掖庭花繖禁藥扇侯錦翼之
雉籠近雪衣之女入楮袍兮曳尾聞霓裳兮率舞循遠
乎金塘徘徊乎瑤圃睥睨爐烟追隨熾炬見觀書于乙
夜聽求衣于未曙既無吠乎投籤每夙興于曉鼓莫不
嘿識聖心潛知天語備指顧以弗迷奉周旋而見撫第

辰遊而夕嬉人安在乎逐麋而捕鼠彼宋狙之與韓獪
又安得同群而接武者哉嗟乎事變人天時移令古秦
皇採藥島中之士未迴軒后練丹湖上之龍已去久舐
鼎以登仙對遺弓而戀主卧錦荐兮罔安嚼鮮食兮弥
苦豐顛載減負重銜而不勝病骨其羸求藥蓋於何所
赫々顧命明々嗣皇念犬馬之微誠義存始卒徵父母
之所愛深增盡傷俾守園陵之地且殊盤匏之御縻索
緇以瑾璣琢籠檻而焚蝗仗陪鹵簿車逐輜輶玄宮
以黜々號白日兮茫々松阡夜月松城曉霜依六尺之

與已成疇昔盜一杯之土亦足隄防表終天之巨宿甘
朽骨于龍岡狡兔盡而見烹禮殊炎漢駿馬死而陪葬
事類皇唐邈予生之介立荷太宗之維繫叨澤宮之一
第玷承明而三人耻懷祿以不言維報君之是急胡薄
命之多屯顧寸功而莫集嗟白首于卽署慟梓宮而鳴
悒生未得圖形烟閣相英衛之難追死不當賜葬長陵
豈蕭曹之能楫異臣哉之可歌信危也之罔及聊作賦
以自傷寄毫端而雪泣

大閱賦

大閱之義盛于春秋彼乃一國之軍禮千乘之諸侯曾
未若天子之大閱揚神武而闡皇猷天祚有宋授禪于
周太祖以武功戡定太宗以文德懷柔億兆人兮頌聲
作四十載矣王澤流二后上仙貽厥孫謀一人繼統承
天之休大舜孝思四海遏密高宗諒闇三年宅憂俯順
先王之喪紀重達百辟之勤求于是延英入閣端冕凝
旒鈞台錫宴拊石鳴球天地同和覩來庭之鳳舞君臣
相遇歌在蒸之魚游惟聖克念惟皇聿修方欲生擒頡
利血滅蚩尤輯大勳而光祖考練武經而平寇仇以為

天生五材孰能去其兵革武有七德子將整乃戈矛時
也鷹隼擊虹蜺收隕籜飛乎原隰嘉禾斂乎田疇因農
隙而順時令數軍實而修戎故野廬設次甸師奔命御
幄立天開教場平而霜勁雷動風行千騎馬乘于以威
八荒于以安百姓師出以律戎所以表嚴扛之稱噐不
示人戎所以執征伐之柄乃幸近甸出重城天步順動
帝車啟令申軍令以堰草揭靈旂于函荆赳之洗之衛
社之將帥皇之濟之扈蹕之公卿從龍雲合捧日霞生
鹵簿前驅案禮文而不忒搖招在上法天象而有程肅

肅戈戟鏜々鼓鉦期門飲飛雲蒸而鱗萃材官騎士岳
立而山橫旌旗衣服文物聲明列羽林之仗空細柳之
營錫鷲和鈴錘天籟於曉吹槍楛鋒盾戢星芒于太清
皇帝乃降步輦陞帳殿明誓六師誕修一戰法武戾之
陣永以縱橫按風后之圖親加訓練出游兵以定兩端
握竒數而制四面搖乾蕩坤飛霆走電八尾四頭千化
萬變間合舒卷若長山之蛇蟠涕渭喧闐如滄海之鰲
拊則有超乘賈勇戲車為即挾輶射戟挽強蹙張劍倚
清漢戈揮太陽可以越巨壑蹈崑崗氣壓乎北方之強

又若掘產新羈渥注逸駕汗血蘭筋騰霜哭夜師子花
獐胡孫色楮可以走高山突平野勢吞乎南牧之馬莫
不虓若虎貌猛如熊羆鑿兵神速曠騎颺馳前禦其前
必恭張而補短陣間容陳亦鴈行而魚麗疾徐有節動
靜有期無窮如天地之運轉不竭如江漢之渺瀰沒而
復出如兩曜盡而復生如四時同子弟之親父兄急難
相救若手足之捍頭目斯須不離屹然立不敗之地
堂乎成無敵之師以虞待不虞則禍亂息矣治多如
治寡則進退隨之所謂有備無患居安慮危保寧宗社

震讐蠻夷暢皇威于禹畫生允悅於堯眉夫如是岐陽
大蒐安能竊迹驪山講武不足稱竒以此攻城何城不
克以此平戎何戎不北兵雖示乎服習戰必分其曲直
周武桓桓之衆尚以仁而伐不仁漢高將將之材固關
智而不鬪力既而皇歆極白日斜還北闕御東華宴喜
斯備慶賞有加氣增堡障聲動幽遐通太漠極荒流沙
佇見破天親可汗之名風行紫塞賜奉國契丹之印永
屬皇家帝庸乃作歌曰順時獮狩安邊禦寇揚我武兮
師人輯睦軍陣習熟威醜虜兮不教而戰抵取敗兮不

戢自焚予深戒兮近臣再拜而賡歌曰秋大閱兮威窮
邊兵力銳兮人心堅封狼居兮禪姑衍抵瀚海兮登燕
然俾遁逃兮無地咸扶服兮朝天無外之化兮被率土
升中之禮兮告上玄然後飛英聲介景福億萬斯年

三黜賦

一生幾日八年三黜始貶商於親老且疾兒未免乳呱
呱擁樹六百里之窮山唯毒蛇与贇虎歷二稔而生還
堯舉族而無苦再謫滌上吾親已喪凡筵未收旅襯未
奠泣血就路痛彼蒼兮安仰移郡印于淮海信靡鹽而

執掌旋號赴于國哀亦事居而送往叨再入于掖垣何
寵祿之便蕃今去齊安髮白目昏吾手有孫始笑未言
去無騎乘畱無田園羝羊觸藩老宦乘軒不吾知者猶
謂乎郎官貴而郡守尊也於戲令尹無愠我之所師下
惠不耻吾其庶幾卞和之則吾乃完肌曹沫之敗吾非
輿尸絨金人之口復白圭之詩細不宥兮過可補思而
行兮悔可追慕康侯之畫接兮苟無所施徒錫馬而胡
為効仲尼之日省兮苟無所為雖歎鳳而奚悲夫如是
屈于身兮不屈其道任百謫而何虧吾當守正直兮佩

小齋集卷一
九
仁義期終身以行之

罔極賦

後周廣順太歲甲寅季秋戊子實生吾身稟粹和于兩儀荷鞠育於二親粵自始孩建乎成人求名得名于祿得祿痛吾母之早終受君羹而捨內丁吾父之大憂徒倚廬以食粥被朝恩之抑奪履人事而棲迷五鼎或來美仲由之斗米三牲縱具非茅容之隻雞豈無兄弟各懷祿而悽々亦有子孫方嬉戲乎孩提况食兮紀綱之僕多病兮糟糠之妻望松楸以暮泣履霜露而晨啼今

日何日家人舉爵祝我壽考勸我歡樂感懸弧于茲農
今陟岵而淚落換斑衣兮純素變華顛于總角孰謂儒
者不如農夫良田十畝桑桑百株無求于人身何憂其
悔吝必出于力養不問乎精麤父母俱存緼袍重孺子
弟匪懈夕耕曉鋤雞豚掩豆黍稷盈壺草堂為壽其樂
只且嗟乎吾不得而反也賦罔及而長吁

王黃州小畜集卷第一

Faint vertical text columns, likely bleed-through from the reverse side of the page. The characters are mostly illegible due to fading and ghosting.

王黃州小畜集卷第二

律賦 有序

禹偁志學之年秉筆為賦逮乎策名不下數百首鄙其
小道未嘗輒留秋賦春闈粗有警策用能首冠多士聲
聞于時然試罷即為同人掠奪其草于今莫有存者淳
化中謫官上雒明年太宗試進士其題曰危言日出有
傳至高山者駭其題之異且難也因賦一篇今求向所
存者得數千紙焚弃之外以十章列為一卷仍以危言
為首尊御題也

卮言日出賦

盈側空仰隨變和美

卮之為物也空則仰滿則傾伊斯言之無像假厥器而強名日出弥新尚安知其邊莫天倪自得亦胡繫于虛盈豈不以卮無所識每逐物而歌側言無所執但因時而語嘿諒何思而何慮固靡失而靡得用能滿天下以無過体寰中而可則徒觀夫卮餽觥以弗定言支離而不窮孰見兆朕難明始終冥其心若虛舟之泛水應乎物類天籟之鳴空是以至道無形至人絕想詎難追于駟馬寶冥求于象以不器之器是資以不言之言為上

存于身則大智之閑、移于邦則王道之蕩、喻鳴鐘
之大小物莫我欺取膠柱于樞机吾將安仰大哉卮也
者既異歌器且殊漏卮言也者亦非確論又非詭隨知
萬物之種也奚千里而應之智過挈瓶檣杙之書伎爾
信踰盈缶連山之象云為故曰不言則齊同形相禪巧
如簧兮非偶卒若環兮無變得之者毀譽兩忘失之者
是非交戰詳夫卮有空滿于義則那言無準的在理云
何亦猶君不言而默首化天不言而玉燭和是以大道
五千取不知而立誠寓言十九藉外論以同波今我后

小言集卷二
據北極之尊窮南華之旨思欲体清淨而率北庭故先
命辭器賦而試多士盛乎哉崇道之名不為虛美

天道如張弓賦

王者喻身則此宜施

上天如之何匪謙莫益張弓如之何匪高莫抑瞻倚杵
之為狀考彎弧而取則所以老氏頥之以言立玄言王
者法之而建皇極豈不以天實虧盈弓唯審固既命中
以有式若無親而設喻善惡之效自應弦而靡差禍福
之祥同流矢之所注吾嘗觀善射之人如天道弓有倫
下者舉其勢高者俯其身左馬右人落彀中而不失十

發九中如掌上而弥親又嘗觀上玄之理與張弓弓匪
異捐有餘以示誠補不足而平施小人用壯唯太極而
是懼君子好謙乃百祥而咸萃又嘗觀上聖之姿法天
道芳緝熙令先禁於強暴心不忘于惇嫫百姓與能自
樂財成之道四時咸序爰婦輔相之宜天之道也既如
彼弓之義也又如此懿乎男子之事克叶聖人之旨自
可移于邦求諸己蓋哀多益寡者馬唯舉下抑高而已
夫如是則張其弓挾其天体由基之所長天道遠人道
迩非禪竈之能量是以君者撫其弱抑其強如猿臂之

盡妙中鵠心而允臧向使天理或爽君道靡常自然反時而反德又烏可稱帝而稱王哉故曰孰能以有餘奉天下唯有道者

仲尼為素王賦 儒素之道尊比王者

鳳鳥至不弓河不出圖聖人無位弓立教崇儒道之將行但棲遲而歷聘民受其賜猶南面而稱孤有以見同乎王者孰云乎蓋出司徒者也原其運屬陵遲力興儒素道將倖于皇極化實被于黔庶文行忠信設萬世之紀綱禮樂詩書崇百王之法度于時也魯道有蕩周德

下衰言念萬國將同四夷不有聖也誰其救之我所以
行教化序尊卑造次顛沛兮于是東西南北兮忘疲用
能定君臣父子之道述皇王帝霸之基夫如是則土無
二以並矣位通三兮偉而異夫振乃素風齊諸大寶贊
易象矣奉天時脩春秋兮行天罰講於洙泗初彰化下
之功登彼泰山爰契升高之道自然其教斯廣其號弥
尊豈止同明於日月亦將比德於乾坤居無安四載勤
之勞是効弋不射宿三驅之田獵斯存盖由宅一畝以
卑宮佩五常而克己其位也困於陪臣其道也齊於天

子列四科而升十哲入凱何殊誅正邪而斬俳優四凶
竊比聖德洋々同諸帝王行束脩而陳玉帛端縫掖而
垂衣裳夢見周公求傳囑而允理問於老子師尚父而
弥光大哉道濟古今教流華夏瞻不泯之廟貌若無疆
之宗社悲夫商辛夏癸予號獨夫又安得比於儒者

君者以百姓為天賦 君有庶民如得天也

勿謂乎天之在上能覆於人勿謂乎人之在下不覆於
君政或施焉乃拂違於民意民斯叛矣同謫見於天文
在乎觀百姓之勞佚豈止仰一氣之絪縕而已哉徒觀

乎浩々玄穹蚩々黠首覆孟之狀何在倚杵之形莫有
苟知乎御之以道亦類乎戴之而支悠也久也固無杞
國之憂養之育之宛是媯皇之手取彼穹昊方茲兆民
匪在蒼之色勿輕蠹々之人雖令不從反時之災是比
撫我則后無親之義斯陳可仰兮匪獨高明可畏兮亦
推黎庶每慮其一 不獲竊於比御 驗忠紂以
歸周似厭秦而授楚是知祭彼哀樂同茲憐舒但人心
之悅矣任天道之何如教以文章似列星辰之際示之
淳朴凝歸混沌之初想夫君既柔懷民同剛克姑畏以

則可苟暴殄而安得興人歌頌乃大舜聞自我聰
明信惟堯之是則大矣哉善化民者以天為則善知天
者以民為先若天人之理洞達則帝王之道敷先寧資
禘竈之言斯為妄矣自取夷吾之說不亦明焉今我后
子育兆民砥平九野上惟奉于空旻下每矜于鰥寡自
然以百姓為天萬方 歸也

復其見天地之心賦

天地幽曠觀象斯見

動者天地之用其震也勃焉靜者天地之本其復也寂
然故二儀之心乃見七日之義斯玄自可要終而原始

何必俯地而仰天豈不以復卦之義雷入于地既反本
以無朕亦見心而有自跡君不撓遂明萬化之源剥道
方終未覩一陽之至其或鼓萬物盪六幽上健行而弗
息下剛克而弗休蒙亨艮止以互作雷動風行而不收
此乾坤之功也心無得而可求及其化功成物理革高
明之休無用沉潛之形莫索凝然若混沌之未鑿寂兮
如庖犧之未畫此乾坤之本焉心有來而可賸得不窮
動靜之旨審語默之端其心斯在其妙可觀聖人見之
則政尚簡教尚寬弃智而化萬姓垂衣而總百官故帝

堯之道文思安々非復之義者諒至此而攸難君子見
之則返諸身視諸掌既絕慮于嗜欲乃游神于罔象故
孔子所謂其道蕩々非復之至者亦捨此而奚往是知
運行者天地之時寂靜者天地之基心亦在其中也物
莫得而見之坐忘遺燹之人于茲得矣五日閉關之義
何莫由斯我后端冕凝旒窮神知變希夷之理斯極清
淨之風克扇大哉天地之心明々而可見

尺蠖賦

尺蠖之屈以求伸也

蠢尔微虫有茲尺蠖每循塗而不殆靡由徑以或躍懼

速登之易顛固將前而復却所以仲尼贊易取譬乎屈
伸老氏立言用嘉乎柔弱我嘗考畫卦之深旨見觀象
之有以蓋美其時行則行時止則止寧鳧趨以鴻漸不
磨驚而鵲起知進知退造幾微于聖人一往一來達消
長于君子物有以小而喻大事可去彼而取此至若春
日遷、品彙熙、知時應候附業尋枝每委順而守道
不躋進予多岐自中規而中矩非載驅而載馳其行也
健而不息其氣也作而不衰曲乎形類形弓之彎矣隆
乎脊狀祝款以陳之豈比乎虫張網而後、蟻循磨而

致之者哉懿夫微物尚有伸弓有屈胡彼常流但好剛而惡柔苟克己以為用奚反身而是求得不可觀所以察所由驗人事之倚伏考星躔之退留自然寒暑相推而歲功及物日月相推而大明燭幽者也其或昧其机循其跡不知我者謂我進寸而退尺探諸妙噴諸神知我者謂我在屈而求伸異蜂蠆之毒唯思螫人等龍蛇之螫實可存身夫如是則龜怒而受式非度德者螳螂奮而拒轍豈量力也夫若尺蠖兮慎明行止明用捨予將師之庶悔吝而蓋寡

聖人無名賦

九聖之道無得稱焉

聖人執大象體乾元雖有教以及下故無名于自尊仰之弥高強配乃神之號為而不有矣矜惟嚮之言原其先天之謂道體道之謂聖所以居域中之大所以為天下之正惟淡惟默固抱璞以含章不識不知豈命氏而考姓所謂上德不德無為不為其作也萬物斯覩其用也百姓弗知難審知于耳目徒象之于希夷亦猶微妙者神焉蓋強而名矣蒼黃者天也但據遠視之徒觀其妙有群生躬臨大寶寧鑽燧以啟祚豈巢居而建號聰

明盡黜罔求濬摺之衰迹用弗彰但守虛無之道得非
喪天下於華胥得震中于道樞虵身牛首兮非吾之耦
雲官鳥紀兮莫我為徒孰躋王而黜伯孰追堯而禪虞
其或稽之以帝錄皇圖則視之若無求之以溫恭允塞
則名之莫得亦何必謂粟陸氏以居尊據軒轅丘而啟
國者哉所謂莫之與京無得而稱探玉疇以為用曷常
名而足徵尼文復生欲憲章而何取子長雖在思紀列
以無能今我后尚黃老以君臨闡清淨而化下抑徽號
於睿聖翁玄風于華夏有以見聖無名兮神無功信大

人之造也

索籥賦

天地之間其猶索籥

伯陽以体道立言探乎極玄見乾坤之用也取索籥而
比焉豈不以德無彊者謂之地功不宰者謂之天譬翕
張而氣作猶吹呬而聲傳用能萬物自化八音克全故
王者法之以虛受帝道用之而無偏者也原夫索也者
利于鼓風籥也者存乎運吹雖有質以克殊且無心而
匪異故可以倖造化比天地一開一闔勃焉而元氣生
變宮變商冷然而正聲至亦如天道無為地道溥施于

小畜集卷二

九

以麗百穀于以行四時皆應中為動也故自外而應之
是以橐之用則飛霆走電籥之運則如填如箎信天地
之義若此而橐籥之理在茲得不求諸繫表取自無間
不言而應物妙用而循環趣聖域叩玄闕昧其旨者徒
小心翼々得其要者惟大智閑々是知虛而不屈為橐
之師動而愈出為籥之資本虛無而生矣因形器以觀
其所以天地之心悠々久也帝皇之道斯焉取斯懿夫
二儀昭合一氣夷猶或動或靜克剛克柔取乎鞫氣焉
動而物來斯應類乎笛也樂出而人無我求至矣哉天

地有大德其鼓動也于囊于橐天地有希聲其契嫗也
維竿維籥雖小大之不類信擬議而成若今我后道合
希夷心無適莫蓋囊括以為用豈管窺而可度所以百
姓日用而不知又孰見聖人之有作

醴泉無源賦

王者之瑞何有源本

泉本靈長皆從濫觴何無源而自湧應有德以呈祥厥
味孔甘可飲九苞之鳳其波不濁寧朝百谷之王豈不
以地乃至柔水惟善下不愛其寶于其光乎聖人感而
遂通于以歸乎王者俾沸涓以出焉奚疏鑿之謂也神

化難知汪洋在彼視之者孰分似帶挹之者咸謂如飴
匪自高山非貳師之刺矣不居絕塞豈耿恭而拜之有
以見德及于地不期而至其潤也齊乎聖澤其湧也借
乎睿知浪井不鑿我則同出而異名靈芝無根我則重
祥而疊瑞稽夫是泉也其源不見于義則那其味且旨
在理云何得非源之隱也與凡流而有異味之美也表
聖德而靡它不然又安得匪因掘地而自可蠲痾者哉
出烏鼠者非吾之耦產蛟龍者亦孔之醜鄙河水之九
曲笑涇泥之一斗自然而然非有而有考乎被冰應居

水府之先效彼休禎合列祥經之首是何不在高原波
騰浪翻孰知子桐柏孰謂子崑崙任大禹之功深寧婦
畎澮縱張騫之力蓋曷識根源士有自立身謀非因世
本桴學海以斯久道言泉而漸遠期作瑞于昌朝免常
流之一混

火星中而寒暑退賦

心火中則寒暑斯退

惟大火之熒臨亦舒陽而慘陰寒暑相交於時令經躔
必在于天心冬夕子烏栗烈之風自止夏宵中矣鬱蒸
之氣爰沉不知誰為種榆其者曰火隨衆星以拱極正

氣而在我小人怨咨之語望之則銷大鈞改昴之期違
之莫可所以指命顛頊凱旋祝融自然無出其右寧勞
舉正于中尔疑日馭逐魯陽之戈再懸碧落定星示楚
宮之役迥推長空遂使初寒知難而少抑暑兩交而自
息垂繒之壞知正衣葛之人動色不知我者謂我執造
化以弄权知我者謂我正陰陽而作則類聖人之南面
令之而必從任天道以右旋踰之而莫得至若北陸凶
殘人斯鮮歡層冰飛雪以俱至挾纊重裘而罔安戎之
中矣可以却彼司塞又若南訛赫怒人失其所隳砂爛

石以何盛輕筵織締而易禦我之中矣可以祛其酷暑
是何表正二儀亭之在茲營室樽巢兮取之于彼收藏
長養兮何莫由斯標不宰之功所以均平六氣示無言
之信所以成乎四時大矣哉行度無差寒暄自退天垂
象以是仰世作程而斯在年之兮東作西成明之而可
大

王黃州小畜集卷第二

五言四句一首

...

...

...

...

...

...

...

...

王黃州小畜集卷第三

酬种放徵君 一百韻此篇命為首重高士也

太歲在辛卯九月萬木落是時太陰虧占云臣道剥王
生出紫薇譴逐走商雒扶親又抱子邊邈過京索敞車
載書史病馬懸囊橐西都不敢住空負香山約闔鄉正
南路秦嶺峭如削肩與礙巨石十步三四却妻孥亦徒
步磧磔不容脚山居蓋木皮烟火渾燠灼夜深聞賢虎
全家屢驚懼山泉何縈回切列無 約却鞍引羸蹄解
襪事茫屨晨瀾髮可鑿朝涉脛如斲商山六百里天設

皆岩嶠上絡在其中控宇曾未若逐臣自可歎何必在
 遠惡刺史不我顧古寺聊淹泊卜居雜民氓致養無精
 粢知道由自寬有親強為樂側聞种先生終南臥雲壑
 長沮既躬耕元禮仍開學王績婦未娶介潔翹孤宦之
 推母偕隱教誨脩天爵詩情亦嗜酒道氣不服藥田衣
 剪荷芟野飯烹旨翦霧豹澤文彩冥鴻避繒緞肯溢為
 鴈聘唯恐簪裾縛如何宋右史鴝鷄議鵬鷄起居舍人
种放隱居終南乞量才錄用隕為識者所笑玄纁与丹詔恩禮誠非薄仍勅
 京兆府敦諭辭恭恪先生戀板輿純孝心堅確散髮走

烟巒拜章謝恩渥巨材猶在澗大玉不出璞使者遂空
回軟輪何寂寞賢母台徵君廷責詞嗚々胡為章事句
漏名入街郭府縣汚我山胥徒噪吾幄以茲近聲利安
得成高邈誓將徙窮谷庶可逃諠濁先生拜引過為壽
開樽杓陶々又熙々何帝聞竿蒿人傳到迂客面目敦
慙怍器小識不遠當年事頭角遭時得一第游宦何齷
齷逐羶甚虻蜉聞耀同蝟螭宰色之弦哥諫垣無蹇諤
便蕃朱紫綬潛添絲綸閣方號駮々龍已困狴々捉待
罪始知非

咄哉山野性謨畫味方畧搔首

謝朝簪行將返耕鑿

寄獻鄜州行軍司馬宋侍郎

鉅賢如木鐸一振聲蓋代
人文曲星譴謫落下界
辭源發崑崙意盡若倒海
昔在神德朝少秀負文彩
擢第應制舉
召試拂華蓋
醉揮拔萃判
萍根密非種
遐苔自斑駁
岸草茁菡萏
官醞綠開屏
時果青出籠
醉中猛別復依約似一夢
唯愁當要路時復萋
闖茸解梁雖近山坑
壩費耕種常風自鹽南
日夕塵壩奉雲泉既遼遠
草樹非秀聳克茲炎蒸月
繫縛何所動緬懷八龍會南溪

與誰共棣萼本多才甘棠應少訟
枕簟與琴書鶴原聊
自奉篇章取李杜講貫本姬孔
古文閱韓柳時策聞晁
董清吹席上未當暑開冰凍菱
腕擘瓊枝瓜甘浮蜜甯
氣秋綠篠戔露圓荷捧獎湖小
賀監溪堂輕馬總此景
且不同此懷可長慟平生好泉
石况復官散冗近聞田
紫微漣水許就俸田舍人量務軍州表
援例苟得請申

湖當入用終老占溪居臥看秋泉湧

七夕 商州作

去年七月七直廬閑獨坐西日下紫垣東窓暈青瓊露

柳蠹忽鳴風簾鸞頻過寂、紅芍堦擡花間一朵時清
無詔誥性澹忘物我兀然何所營橫枕通中臥夢入無
何鄉蛺蝶甚么麼孰謂處深嚴自得放慵惰中官傳宣
旨御詩令 牙含露採石髓和烟酌菓田泉滌且園綺
芝盈握有時上及頂星斗下可摸下視塵世人營、似
蛭螻男兒既束髮出處岐路各苟非秉陶鈞即去持矛
槊致王比唐虞安邊如衛霍不尔為逸人深居返吾朴
胡然自碌、名節日銷錄行年過年世功業無圭勺無
術鑄五兵使民興錢鑄無材統六師逐寇開沙漠空言

說王道肆日看人瘦多慚指佞少虛效傾心藿一覽大
雅文起予亦可博况茲芥薑投請助醉吟入室生徒在
寄題陝府南溪兼簡孫何兄弟

申湖在陝服自昔名所重許昌擅唐律人口尚傳誦舊
跡固秦莽勝槩猶出衆前年謫商於過此方憂恐無暇
濯溪泉惻々心甚痛量移遇恩宥方寸稍放縱故人孫
漢公勤懇事迎送扼車得三宿延我入溪洞春殘尚有
蝶夏首始見螻朱櫻實頗繁黃鳥聲亦啜地幽接府署
亭高瞰村壘縈砌水逶迤入簷山龍從鯉翻自躍金蝸

篆燒餘永石危君子介荀亂小人勇虛涼集鷗鷺爽瓊
無蚊蠓莢葉巧如剪

...

...

...

...

...

...

...

...

Faint bleed-through text from the reverse side of the page, appearing as ghostly impressions of Chinese characters.

浮漱澣大笑引淳風樽前一長吁今茲當委顧自昔無
先覺一聆高世行罪戾斥可擢忍恥賦三章塵埃寄明
年會恩宥量移并虻躍靡暇謁南山征途望西嶽黃沙
波涵湧白逗莒斑駁中條圍解縣五老烟霞：此烏為
郡副烏敢事墮獲籠禽幸未以尚且謀飲啄未呼村婢
舂糗領山童斫餵馬梓寒蕪看書蕪秋穉信口亦吟哦
放心無遠莫君恩已絕望人事終難度相府一張紙喚
起久屈蛟誠知有梁棟未忍弃椽桷五城天上開三殿

雲間卓重取故衣冠
麓裏山猿獲病翼
得風雲坏墻勞
楮壘諫官与史氏
舊職聊羈絡
舉袖拂石螭
凝眸睨金
雀冥心想前事
一夢何揮擢
長恐先生聞
倚松成大噓
閨中朋友采遺我
神仙作繁華
遠客綺筵美人錯
古澹吸鋤羨文雅
鏗木鐸
千言距首韻
旨趣何綽々
孰念象如虹
翻然輕抵鵲
俊甚麻姑孤
快比屠門嚼
渾金豈在鎔尺
璧寧施琢
愈風齊捧檄
忌味同聞樂
致之向懷抽
日夕芬蘭若
褒我塵俗韻
鉛刀化干鏑
同聲必有應
過實還疑謔
盛夸山中事
雲屋張霞幕
闌屬和鶯起
儼

衣冠拜舞蒼苔破送翰龍蛇走雅調金石播洋、治世
音乃賡強牽課暮隨丞相出自謂天上墮歸來侮乞巧
酒散間瓜果海物雜時味羅列繁且夥家人樂熙、兒
戲舞娑、叶韻蘇寵若方若驚倚伏忽成禍九月謫商

於羈縻復窮餓鳳儀困鷓鴣赫驥足翻鼈跛山城已僻陋
旅舍甚叢脞夏旱麥禾死春霜花未挫吾親及哀菴吾
命何輒軻稚子啼我前孺人病我左玄髮半凋落紫綬
空垂拖容計魚脫泉年光蟻旋磨昨夜枕簟涼西郊忽
流大河漢勢清淺牛女姿婀娜商土本曉磻商民久勞

瘴霜旱固

穎舉家成大笑愁眉畧舒轉自念二
歲間榮辱兩偏頗賴有道依據故得心安安
窮乎止旅人達也登王佐筦瓜泛繫滯糠粃
任揚簸批鳳不足言失馬聊自賀委順信吾
生無可無不可

讀漢文紀

西漢十二帝孝文最稱賢百金惜人力露臺草芊眠千

小齋集卷三
里却駁骨鸞旂影迂延上林慎夫人衣短無花鈿柳細
周將軍不拜客橐鞬伯業固以盛帝道或未全賈生多
謫官鄧通終鑄錢謾道膝前席不如衣後穿使我千古
下覽之一泫然賴有佞倖傳賢哉司馬迂

合崖湫

合崖向歎壑湫水何冲融灣污豎積潦滯泥不朝宗有
時見鬼怪無人荐王公止可飲麋鹿未當產蛟龍山岷
自神之祠祀衆口同今春高於早太守職憂農先請境
內山熊耳有如聲乃迎是湫水盈乎素在中川民与郡

吏覲女雜巫童朝祈人夕禱拜起虔且恭馨鑪復奠爵
牲幣潔而豐適與天雨會三日勢濛濛致謝送水婦盡
禮有始終水旱盡定敷灾祥與政通傳岩道喪久咄爾
貪人功

吾志

吾生非不辰吾志復不卑致君望堯舜學業根孔姬自
謂志得行功業如臯夔既登俊秀科人在清切司諫紙
無直言論誥多媿辭黽勉為何事親老與妻兒一旦命
執法嫉惡寄所施丹筆方肆直皇情已見疑斥逐深山

中穷辱何羸。于張及不得安用此生為。于定國張擇之

携稚子東園刈菜因書觸目兼寄均州宋四閣長
大鸞引新鷓小鷓哺老烏青。樹木間禽鳥聲雖娛我
携二稚子東園擷春蔬可以奉晨羞采。供貧厨非肉
誠不能割身實無餘緬懷宋閣老同日出京都謫官不
携家留妻事老姑塊然武當下此樂固亦無

四皓廟

秦皇焚舊典漢祖溺儒冠萬民在塗炭四老方晏安白
雲且高臥紫芝非素餐南山正優游東朝忽艱難高步

揖萬乘拂衣歸重巒飛鴻自冥冥束帛徒幾幾古廟對
山門清風向人寒更無隱遁士空有賓客官况我謫宦
未塵跡臥祠壇朝衣慙蕙帶佩玉媿紉蘭或依階下樹
逝署解馬鞍或前借廟前水乘秋把魚竿吾道多齟齬
吾生利盤桓登山殊未倦飲水聊盡驩精靈莫相笑此
意樂且盤

其二

小言望小利載在禮經中遂有鷹犬輩拔劍各爭功一
出定萬乘去若冥鴻寂千古下孰維採芝翁

不見陽城驛有序

予為兒童時覽元白集見唱和陽城驛詩換敗
江陵過南山感陽道州而作是詩也且改駟為
避賢郵不忍呼其諱也樂天在翰林得而和之
又見杜紫微富水駟詩題下解云富水駟舊名
與陽諫議同卒章曰駟名不合輕移改留警朝
天者惕然淳化二年秋九月予自西掖左宦商
於訪其駟則無有也驗之圖經求諸郡境則富
水地存而駟廢陽城之號遂莫知矣因作古風

詩申明三賢之作且以不見陽城駟為首句至
于道州之行事元詩盡之矣此不復云

不見陽城駟空吟昔人詩誰改避賢郵倡首元微之微
之謫江陵顯悴為判司路宿商山駟一夕見嗟咨所嗟
陽道州抗直貞元時亦被斥遂南荒終一麾題詩改
駟名格力何高竒樂天在翰林亦知迂客詞遂使道州
名光与日月馳是後數十年借問經者誰留題富水駟
始見杜紫微紫微言駟名不合輕改移欲遣朝天者惕
然知在茲一以諱事神名呼不忍為一以名警衆名存

教可施為善 雖不同 歸化之基 迺來又百稔 編集
空鱗 差我近上 雒郡罪 遣身繫 維舊詩 猶可誦 古駟 殊
無遺 富水地 雖在陽城 名豈知 空想教 君子貫 珠若纍
纍 三章詩 未泯 千古名 亦隨德音 苟不嗣 吾道當已而
前賢尚如此 今我復何悲 題此商於 駟吟之 聊自怡

歲流亡

謫居歲云暮 晨起厨無烟 賴有可愛日 懸在南榮 邊高
春已教 丈和煖 如春天 門臨商於路 有客憇 簷前老翁
与病嫗 頭髮皆皤然 呱々三見泣 筮々一夫鰥 道糧無

斗粟路費無百錢聚頭未有食顏色頗飢寒試問何許
人荅云家長安去年闕輔旱逐熟入穰川婦歿埋異鄉
客貧思故園故園雖孔迤秦嶺隔藍關山深號六里路
峻名七盤強負且乞丐凍餒復險艱唯愁大雨_音雪疆
歿山谷間我聞斯人語倚戶獨長歎尔為流已客我為
兄散官在官無俸祿奉親乏甘鮮因思筮仕未倏忽過
十年我冠蠹黔首旅進長素餐文翰皆徒尔放逐故宜
然家貧与親老覩尔聊自寬

除夜

四十強而仕禮文可遵守筮仕已十年明朝三十九自
知得祿早左宦誠宜有年雖過潘岳未為全白首貧猶
勝墨子黔突聊供口若比張辟疆吾甘為老醜若比太
公望吾方為少秀任從新歲未且獻高堂壽更解金貂
冠多賞商山酒

竹籬

商嶺多修篁蒼翠連山谷有胤生其中存食無厭足春
筍蓄生犀秋筠折寒玉飲飽致肥脂優游恣蕃育林密
鳶不攫冗深犬難逐鳳凰餓欲死彼實無一掬唯此竹

間絕琅玕長滿腹暖戲綠叢陰舉頭傲鴻鵠不知商山
民愛尔身上肉有鍾利其鋒有錐鋸於鏃開穴窘如囚
洞冑聲自哭膏血尚淋漓携耒入市鬻竹也比賢良鼠
兮類商俗所食既非宜所禍誠知速吁嗟狡小人乘時
竊君祿貴依社樹神俸盜太倉粟笙簧接舌鳴藥石嘉
言伏朝見秉大權夕聞罹顛戮李斯具五刑趙高夷三
族信有司殺者在暗明于燭彼狡勿害賢彼鼠無食竹

觀鄰家園中種麥示嘉祐

比鄰有閑園瓦礫雜荆杞未嘗動耕牛但見牧郡豕今

夏赤旱天斲啄誰家子播種甚莽鹵苗稼安能起秋來
連月雨柴門晝不啟新晴一携杖出戶聊從倚重到田
中立黍稷何凝_乙吐穗欲及肩烏雀聲亦喜力穡乃有
秋斯言不虛矣向使懶種植荒榛殊未已有書閑不讀
為學還如此

蔬食示如舍弟禹金并嘉祐

吾為士大夫汝為吏子弟身未列官常庶人亦何異無
故不食珍禮文明所記况非膏粱家左宦之貲費商山
禾侵旱穀價方騰貴更恐到明春藜藿亦不繼吾聞柳

公綽近代居貴位每逢水旱年所食唯一器豐稔即加
籩列鼎又何媿且吾官冗散適為時所弃汝家本寒賤
自昔無生計菜茹各須甘努力度凶歲

王黃州小畜集卷第三

王黃州小畜集卷第四

懷賢詩并序

僕直東觀時閱五代史見近朝名賢立功立事者追慕
不已思欲形于詩詠而未遑今待罪上雖不與郡政專
以吟諷為事業因賦懷賢詩三首仍以官氏列于篇首
云

桑魏公 維翰

魏公王佐才獨力造晉室揮手廓氛霾放出扶桑日感
慨令風雲周旋居密勿下民得具瞻上帝賚良弼況

帷幄謀落、政事筆品流、遂甄別法令、頗齊一跋、勅朝
據案論兵、夜造膝、多士君、駕鴻官材、咸有秩、諸侯如狼
虎、請謁盡股、粟鈎多事、朝綽、有紀律、遠將留候、比
近似贊皇、匹志在混車、書誓將闡儒術、皇天未厭亂、運
去何颺、歛高祖、厭寰區、少帝無始、卒老成、既疎遠、群小
相親、昵躄武、兵漸驕、倒懸人不恤、和親絕、強虜謀、師用
悍卒、魏公在藩垣、上疏論得失、七事若丹青、辭切痛入
骨、忠言殊不省、直道果見屈、鐵馬從北來、烟塵晝蓬勃、
穹廬易市朝、左袵雜纓紱、主辱臣不死、囚縛自安逸、唯

公獨遇害身殞名不沒惜乎英偉才濟世功未畢一讀
晉朝史遺恨空鬱子孫亦不振天道難致詰

李兵部濤

有唐張曲江盛名何曄曄請誅安祿山先覓不見約胡
雖有反相其事遠相接賢人何代無舊史聊可獵兵部
事晉朝文學中科甲強臣方跋扈朝士多惟怯獨持上
方劍願斬犇鯨鬣堂上張彥澤反勢凌閭闔拜章請顯
戮直氣不可壓三進叩玉墀植笏立莫英皇情弥慰撫
清問屢應答給烏念小思曾不顧大業高吟歸去詩馮

爰淚承睫旋踵卽亂華有同虞不臘張公領鉄馬朝市
胡塵合刺謁甚閑詳辭氣殊不懾虎狼不敢害加禮為
下榻當年弃謬諤異代居調變相位席不煖帝澤安可
洽斯人既淪亡此風亦蕭颯滑稽何足累大節世已乏
安用學腐儒矻々守禮法

王樞密

朴

西樞經緯才慷慨遇真主文學中甲科風霸恭霸府直
躬在密勿未始畏強禦凭紫讀古書箕踞視太祖澤欲
浸生民化將還邃古折寺遇武宗排佛如韓愈盡髮群

芘芻使之藝未忝兵威遂強盛人力不耗蠹世祖征淮
甸委任當留務馬前拜侯伯階下列榘斧叱咤氣生風
將校汗如雨手築太平基胼胝不輟杵具瞻人有望衰
運時不与修短天難忱殲奪民何怙沾恩深小斂撫惇
甚悲沮云已復殄瘁前哲非虛語世起之賢良難具文
武力象過羲和文章敵燕許可能隨衆人冥冥歸塵土
子孫雖衆多必復事未覩誰銘遷客詩高揭王公墓

五哀詩有序

予讀杜工部八哀詩唯鄭廣文蘇司業名位僅不顯者

餘多將相大臣立功垂裕無所哀矣噫子美之詩蓋取人之云亡邦國殄瘁而已非哀乎時也有未主于此者待同志而嗣之云

故尚書兵部侍郎琅琊王公祐

琅邪名文子少孤起徒步贄謁秦魏公漆鑑非易与撫頂久歎息王楊許為伍諸侯取為官佐幕大名府主帥杜重成功大心跋扈天驥被繫維神龜罹網罟六師薄孤壘三面開生路主人既釋放賓筵因註誤逼脅本非辜貶謫尋不赴折腰紆墨綬搦翼久未舉梁竦耻州縣

長卿有辭賦裏行旌色政柱史登朝署抨彈志不樂潤
色身有素錦稟應列宿星垣吟藥樹丹青生帝典金玉
鑑王度東觀秉直筆南宮司貢部時英萃門下謁：勝
嘉譽鵬掀六月風豹蔚七日霧多材同列忌嫉惡姦人
怒排斥累專城織羅仍典午名官頗流離衣食常貧窶
文明起代邸振拔非不遇紫微雖正拜白髮已遲暮史
魚直有遺張也剛不吐非才占清列志欲投兕虎英俊
在草萊力能生翅羽毀譽兩無私華袞間蕭斧掌選循
故實尹京耻鈎距名位僅三事疾瘵嬰二監告滿拜貳

八音集卷四
四
卿君恩慰沉痾終見指人姜蕭：空寵墓鯉庭有令嗣
鳳閣登仙署兩制主門生九原應自許蒼：猶足信吾
道似有訴餘慶在子孫明：深可據

故尚書虞部員外郎知制誥賧萊州司馬渤海高
公錫

文自成通後流散不復雅因仍歷五代秉筆多艷右高
公在紫微濫觴誘學者自此形彬：不蕩亦不野惜哉
傷蹙進忤旨出閣下吾君登大寶允澤連霽洒均陽又
淮陽移徙曾不暇遂無牽復命虛偶文明化何路得自

新賈志入長夜人謂責太深終于郡司馬

故殿中侍御史滎陽鄭公起

柱史有名跡清才自天縱運思慶雲合落筆醴泉湧歌
詩與文賦錚錚人口諷揚袂入澤宮鳴心一箭中特才
善戲謹負氣好侮美大志有誰知細行乖自訟小諫事世
宗暢：佩光寵太祖方歷試握兵權已重上書范魯公
先見不能用曆數不在周謳謠卒歸宋汗漫失屠龍接
輿遂訝鳳行荷伯倫鍾高臥畢卓笕神德不為嫌優待
台憲俸晚求萬泉令吏隱官資兄一旦隨朝露識者弥

哀痛無子嗣家聲身世若一夢文編多散失人口時傳
誦空持一器酒何處澆孤冢

故國子傅士郭公忠恕

汾陽飽經術賦性甚坦率在昔舉神重廣場推傑出尚

書誦在口何論落白筆

公應舉時口念總角取科
名弱冠行尚書手寫論語纓紱

早佐襄陰幕漢鼎入周室入志罷屠龍佯狂遂捫虱周

行亦免勉吏隱多放逸滑稽東方朔圖畫王摩詰古文

識蝌蚪與學辯萍實字窮蒼頡本篆證陽冰失王績醉

為鄉伯倫居無足俸錢之一囊官路從三黜朱衣多不

着白髮仍墉櫛漸老羈旅年方見昇平日忽以伎術名
此意殊鬱：放口忤無鬚何門求造膝遁逃終見捕譴
逐道中卒遺孤落閭閻荒塚鳴蟋蟀手澤漸難求誰家
耀箱帙吊投焚此詩九原應有物

故太子中允知洛陽縣事穎公費

洛陽富文彩峭拔四子流提筆入廣場辭氣干牛斗擢
第在芸閣言事觸冕旒在降宰百里道勝心無憂才高
耻吏役放蕩不檢脩起應賢良抖下筆不見休青宮尚
淹恤赤縣且優游輕財糞土賤高義雲天浮懸磬任負

八言集卷四
六
窶盈樽長獻酬。知己彼何人。鳳閣與鼈頭。推挽終不起。
壯志將焉收。晚年圯橋役。關市良可羞。忽焉然為異物。
寒草封一丘。孀妾應凍餓。支友誰尋求。遺孫方稚齒。爽
秀已適。皇天若有憑。必使光貽謀。

太一宮祭迴馬上偶作寄韓德純道士

去年暨今夏。承詔詞天神。昔當搖落時。宮葉紅紛。此
耒芳春暮。官草青秦。三日奉齊潔。百骸祛垢氛。御署
致恭虔。天香何網緼。監祀黃門郎。攝宮紫微臣。松枝拂
劍佩。樹影光楮紳。燈燭晃白晝。香花藹清芬。金殿禮神

仙壇瑤醮星辰至誠不為己玄鑒當福仁貞明祀事畢
復命趨紫宸揚鞭入村落緩轡聊逡巡麥田少時兩蚕
月無閑人自慚懷祿士蠹此力穡民又拋三洞趣來入
九衢塵不如韓道士長此養天真

送筇杖與劉湛然道士

有客遺竹杖九節兵一枝崔脰老更長龍骨虬且竒我
問何所來曰從西南夷因思漢武帝求此民力疲明
聖天子德教加四維蠻貊盡臣妾縣道皆羈縻棘僮與
笨馬入貢何累累此行日行賤輕視如蒿藜我年三十

七血氣未全衰况在紫微垣動為簪笏羈倚壁如長去
物歲月無所施寸心空愛惜此未天涯忽承明主詔
來謁太一祠再見劉先生氣貌清且羸持此以為贈所
謂得其宜少助橘童力好引花鹿隨步月莫離手看山
聊稽頤微物懶致書故作筇竹詩

對雪

帝鄉歲云暮衝門晝長閉五日免常參三館無公事讀
書夜臥遲多成日高睡起毛骨寒窓牖瓊花墮被衣
出戶看颼滿天地豈敢患負居聊將賀豐歲月俸雖

無餘晨炊且相繼薪芻未闕供酒者亦能脩數杯奉親
老一酌均兄弟妻子不飢寒相聚歌時瑞因思河朔民
輸稅供邊鄙車重數十斛路遙幾百里羸蹄凍不行死
轍水難曳夜來何處宿門寂荒陂裏又思邊塞兵荷戈
禦胡騎城上卓旌旂樓中望蜂燧弓勁添氣力甲寒傷
骨髓今日何處行牢落窮沙際自念亦何人偷安得如
是深為蒼生蠹仍尸諫官位謬諤無一言豈得為直士
褒貶無一詞豈得為良史不耕一畝田不持一隻矢多
慙富人術且乏安邊議空作對雪吟勤謝知己

小書集卷四
金吾

金吾河朔人事即在賤列攀附周世宗龍飛起魚鼈委
盾向聖朝積功取旄鉞所在肆貪殘乘時恃勲伐皇家
平金陵九江聚遺孽弥年城乃陷不使雞犬活老小數
千人一怒盡流血三惑無不具五福何嘗缺晚年得執
金富貴居朝闕娛樂有清高康強無白髮享年六十九
固不為夭折考終比牖下手足全啟發子孫十數人解
珮就衰絰贈典頗優崇視朝為之輟哀榮既如是報應
何足說責薄李廣死賜劍武安滅僥倖過古人况無大

功烈福善与禍淫斯言僅虛設吁嗟為儒者寒餓守名
節五十朝大夫龍鍾頭如雪無故不殺羊禮文安可越
何況賓祀間貧苦無羊殺

送戚維戚綸之閬州亮州

古人貴道德豈以祿位拘有道不在位顏回舜之徒無
德殃且至商受為獨夫以此固名節富貴安足圖睢陽
戚先生今世古之儒終身不求仕沒齒唯誦書孝受睦
姻族淳謹化里閭文翁變蜀土尚以德位俱仲淹居汾
水專用素教敷青子矜草櫛比曳朝裾盛德苟無報

吾將道焉如鯉庭生二子驪領委双珠朴厚有父風學
業張皇奮各登進士科齊乘使者車閭中佐郡政毫社
司權酤佐郎古半刺可使惇嫠蘇權酷今叔道亦助軍
國須牽車驥雖屈補履又有餘誰謂佐著作在上積薪
芻謂誰光祿勳其中混瓊琚我亦何為者先上青雲衢
伐木空求友拔茅未連茹終待奮直筆會當伏青蒲請
慎名典器願分賢與愚彙征補皇極戮力張道樞巨魚
方煦沫相忘在江湖冥鴻當順風淬翼摩太虛此志尚
噓爵口莫良之悲吁若縣且密迩劔閩多崎嶇于役勿

為教加節聊自娛天素惠好音無惜雙鯉魚

送陳侯之任同州

大夫貴自奮何必持詔謀當年功必立古人重為憂太
師忠順公沒世有餘休令子一何賢恥隨資蔭流碌碌
奉朝請君恩何以酬鬱鬱不快意上章聞冕旒願為循
良吏未甘恩澤候天子嘉乃誠錫命莅同州古三輔北
望推且優詔條得以布民瘼得以求勿謂綺紉子富有
襦袴謳詩云無忝尔禮云必為裘去、維旄節免作將

門羞

送朱九齡

吏隱不求貴親老不擇祿之子有俊才弱冠中正鵠弗
墜先人業何慙有道藪一命佐蕩山枳棘聊容足再命
宰嘉興絲桐几聲平易俗率身甘菜茹養母求梁肉承顏
苟不虧折腰未為辱解印無餘貨舟中只琴筑十口寄
淮泗一身來輦轂又說東南行秋風江水綠鄱陽古名
郡赤金流山谷每歲鼓錢刀送未設官局還得便高堂
無辭縻逸躅颺帆江湖思木脫天地肅楓葉紫潤端蓼
花紅露霰津吏曉來迎溪僧夜留宿至止事方簡優游

送所欲江城豐稔梁水市多魚簞三載奉甘飴百錢飽
家族自有綵衣華勿歎藍袍綠行年未三十氣壯顏如
玉行義日以聞焉能長碌々終列侍臣班耀我同年錄
且賦白華詩唱作離筵曲

暴富送孫入史館

孟郊常貧苦忽吟不負句為喜玉川子画船歸洛浦

孟郊

有忽不負喜廬
全画舫歸洛詩

廼知君子心所樂在稽古漢公得高科

不足唯墳素二年佐棠陰眼黑怕文簿躍身入三館爛
目閱四庫孟貧昔不負孫貧今暴富暴富亦須防文高

被人妬

贈劉仲堪

劉生頗少秀為學識根抵立軻有堂奧試脚到塔砌揚
墨恣荒榛揮手欲芟薙携文訪謫居趣向非秘勢對挹
雛鳳下交言孤雀淚在璞認良玉行當為國器彼茁見
靈茅佇可供王祭豈止隨眾人區々一枝桂冥哉孫漢
公妻之以女弟吾家兄子之笄年未伉儷恨不早相逢
取子為佳壻

送馮尊師 時再為拾遺

前日訪潘閻下馬入窮巷忽見雙筍石臥向青苔上云
是馮尊師秋來畱在茲今說東南行問吾堅氣乞詩又
見宋閣老亦言師甚好欲去天台山即別長安道臺閣
有羣英贈別瑰與瓊瑋然滿懷袖此事殊為榮安用微
吾句吾道方齟齬老為八品官有山未能去束髮號男
兒出處貴得宜出則學卑夔獨立稱帝師處則同喬松
決起如冥鴻誰能似蚯蚓蟠泥土中師行甚可羨雲
鶴無羈絆為我持此詩題于桐柏觀

王
黃州小畜集卷第四

王黃州小畜集卷第五

八絕詩 有序

唐大曆中隴西李幼鄉以官相領滁州刺史始游琅琊山立廊應寺故泉有庶子之號李陽冰篆其銘存諸石壁白龍泉又次焉由是亭臺溪洞合垂藤蓋謂之八絕云皇宋至道元年予自翰林學士出官滁上因作古詩八章刻石于寺以名開化者我朝改之也

庶子泉

物趣固天造物景不自勝泉乎未過人石罅徒流送宮

相政多暇行樂躡岩磴發蒙漲為溪幽致茲焉盛唐賢
大曆後峭壁刻名姓我未一何暮今秋始乘興山勢環
有缺山門壺引柄乍挹清此姿頗愜幽閑性味將春茗
宜光与曉嵐暝架竹落僧厨遠聲入晴磬何當宿禪室
款枕終夜聽飲多病骨換照久塵襟迥銷盡謫居愁無
心治歸艇

白龍泉

岸石何鑿々 渤滴湧山脚含虛光可鑿倒影壁如削
漫到前溪支脉通遠壑白龍乃神物胡茲戀一勺勢能

為霖雨力可興雷電上天未有命茲為縮頭角應防困螻
蟻况蟠詎敢躍菹醢曾是憂豢養殊非樂亦如君子道
出處竒先覺吾生苦遷謫未免郡政縛偶來泉畔坐感
興題秋籜杓撒纓上塵成就清漣濯聊將一掬水洗我
面慙怍昨日暮不忍歸風埃滿城郭

明月溪

漲溪者為誰人骨皆已朽我未尋故跡溪荒亂泉吼惜
我幽勝事盡落唐賢手誰餘舊時月團圓照山口

清風亭

茲亭廢已久厥趾猶在哉清風為我起疑有精神未神
交念宮相臨砌傾一杯迴頭問黃菊寂寞與誰開

望日臺

荒臺隱層碧雲磴踰百尺攀蘿試一登依然有遺跡掌
舒舊砌平屏卓諸峯直憑高聊寫望孤懷念鄉國長安
不可見但對金烏赤傾盡葵藿心庶免浮雲隔

歸雲洞

碧洞何耽々呀然倚山根朝雲出如嘔暮雲歸如吞大
塊氣不死茲為玄北門怪石擁左右勢若驅虎蹲旁行

數十步漆黑不可捫安得鞭燭龍為吾前馳奔尋盡神
仙窟一一知其源

陽水篆

冷：庶子泉落一陽水筆雲氣勢崩垂龍蛇互蟠屈嶧
山既剝滅石鼓又缺失唯茲數十字道勁倚雲窟摸印
徧華夷流傳耀細帙書誠一藝爾小道詎可忍乃知出
人事千古名不沒

垂藤蓋

古藤何樛蟠低蔭庶子泉童一若垂蓋持在絕壁前月

穿波影碎露滴岸聲圓曉龍使自醉在溪僧禪昔之
 好事者為作出偶然人亡藤已朽猶得聲名傳我欲移
 青松植向泉眼邊既圖歲月久復取節搯全所為亦不
 時所期或千年庶吾不朽名長同偃蓋懸

東門送郎吏行寄承旨宋侍郎

西門送僕射鞍馬照路光南門送貳卿冠蓋遙相望東

門送郎吏艤舟隋堤傍

是歲六月十一日僕射呂相公赴西京一十一日

禮節赴

南陽二十三日予赴除州

宋侍郎皆為席之 郎吏誠隔品同直白玉堂丈

人况知己振拔在舉揚携手惜我去深勸離別觴醉中

不記事烟水空茫、醒來聞鳴櫓嘔軋獨一傷猶疑在
禁中殘漏寒丁當迴望銀臺間五雲遮帝鄉離散今如
此升沉庸何傷丈人名位峻只欠登岩廊平居倦朝請
高論思退藏園田有別業古木羅修篁亭寒蕭、池
波碧決、嘗云拂袖去可以傲羲皇丈人果能爾識度
非尋常安車比踈廣辟穀如張良再拜願丈人壽考仍
康強自念山野士不解隨圓方宦途多齟齬身計頗悲
涼行將解簪笏歸去事農桑幸容搥履杖洒掃循丘墻

送林介

八年困名場萬里省慈親吟變閩越聲衣有京洛塵况
復長相依知子文行淳不能致一第應作金鑿臣昔予
貶商洛相送遠涉溱今予謫滁上語別清淮濱途窮與
道喪詎免同沾巾

北樓感事 有序

唐朱崖李太尉衛公為滁州刺史作懷嵩樓取
懷歸嵩洛之義也衛公自為之記其中述直翰
林時同僚存歿且有白鷄黃犬之歎頗露知退
之心及自滁徵拜再秉鈞軸卒以怙權賈禍貶

死海外則向之五言誠空文爾皇宋至道元年
夏五月僕自翰林學士尚書禮部員外郎知制
誥除工部郎中知滁州軍州事到郡之日訪衛
公舊跡樓之與記皆莫知也而郡有北樓通判
史公署登眺終日甚亦自得作北樓感事詩以
見志

北樓出林杪登覽開病姿旁帶滁州城雉堞何逶迤不
入刺史宅却臨統軍池

益統軍鑿小池在樓下

伊予翰林客失職

方在茲西衙簿領外盡日吟望時晚窓度急雨夏木交

繁枝淮南氣候殊徑秋轉黃鸝簷前有山菓採掇亦甘
滋樽中有官醞傾酌甚醇醪忘机得真趣懷古生遠思
念昔李太尉落落、邦家基下筆到西漢料兵如六奇謫
官来此郡鬱、持一麾嘗作懷嵩樓記文悲盛衰甚得
進退理深明禍福机未几再入用斯言忽如遺君恩匪
膠柱天袂若影隨六月萬里行炎荒竟不歸功成又名
遂不退將安之姑以人事較勿憑天命推矧予草澤士
被褐復羨慕謬因弄文翰八載侍丹墀二入承明廬古
人期並馳玉堂百日罷所累非文辭強仕未為老望郎

不為畀淮邊永陽郡人物自熙熙費用量所入豐約從
其宜一妻本糟糠不識金翠施三男無庶孽詎愛紈綺
肯甘貧絕誅求易退無羈縻五十擬歸耕何必懸車期
且予望衛公雲龍與山麋唐賢昔際遇文雅道光輝進
士取將相易於俯拾棊自泛五代來素風已陵遲干戈
為政事茅土輸健兒儒冠筮仕者僅免寒與飢至今明
聖代此風猶未移自無經濟材烏用碌碌為歸欵復歸
欵無忘北樓詩

送劉職方

罷直出玉堂詔授尚書郎朝食假郡印承乏來永陽喜
 開黃紙書云替劉職方職方老狀頭疇昔名檀場宦遊
 三十載寸進鴛鴦行未出六品班髭鬢已垂霜頽子新
 進生遭時恐翱翔綸闈與內署堂誥侍玉皇夜召赴浴
 殿春遊醉柏梁晚出銀臺門朝服含天香為儒能到此
 自道摩穹蒼今年四十二典郡清淮旁臥錦郎位正腰
 金服色光見君深自媿撫已庸何傷古人重交代子孫
 不相忘西掖替左司劉白刑詩章劉夢得贈白公詩云
蘇州刺史例能詩西
 掖今未替左司况我忝翰林而君列文昌待將官與氏山寺題

脩篁共保不朽名他年比甘棠昇沉何足道聚散安有
常且當唱此詩為君送離腸

感興

吾嘗入深山谿谷寒且溼杉檜頗凌雲歲月自朽蠹般
輸目不見何由用斤斧東山大夫松中岳金雞樹秦政
本獨夫則天乃謠姬名號被常村所幸因一頽為本豈
有命偶然生要路誰取澗底松上作明堂柱

老態

白髮不相饒秋來生鬢邊黑花最相親終日在眼前老

態固具矣官情信悠然唯當共心約收拾早歸田

官醞

為郡得官醞月給盈三斛地僻少使車時清罕留獄老
大復遷謫吾懷頗幽獨蟬娟樓上月爛熳池邊菊東院
與西亭脩々風弄竹對此不開樽騷人應慟哭獨酌入
醉鄉陶然瞑双目醒來成浩歎胡為事口腹彘酒書垂
誠群飲聖所戮漢文亦禁酒患在糜人穀自從孝武來
用度常不足推酷奪人利取錢入官屋古今事相倍帝
皇道難復吾無奈尔何且盡杯中綠

射弩

蹙張見奮史強弩亦古官如何壯夫事今作儒者歆
郡在僻左時清政多閑戎裝命賓侶作此開愁顏吳弩
號捷僕夫為吾鬱正候廢已久盡紙為雕盤日暈生
几重挂壁何團、記籌鼓聲急中酌酒量寬誠非軍旅
事亦有堵墻觀安得十方枝長驅道秦軋射彼老上庭
奪取臙脂山不見一匈奴直抵澣海還北方納盡款獻
壽夭可汗吾徒久不武干祿為飢寒所得斗升祿齷齪
在朝班不如執戈士意氣登韓壇
白玉鼓醉馳黃

小
集
卷
九

金鞍郡官一生俸供尔數月間儒將前古重素髮衝儒
官誰知戴章甫終老弄平酸偶因見戲念
且慷慨

黑雲裘

野蚕自成繭綠容為山紬此物產何許菜夷負海州一
端重數斤裁染為雲裘守黑移華侈崇儉非輕柔燠香
則無取風雪曾何憂朝可奉冠帶夜以為衾稠晏嬰三
十年廢几跡相侔季子歎貂弊吾服已為憂不取狐貉
者亦當師仲由况我屢迂謫行採賡歌謳映髮垂鷲頂
植杖昂鳩頭袖寬可以舞老農即為儔不曳銀臺門任

尔争封侯

聞鴉 有序

滁淮地也郡堞之上鴻鴉巢焉永夕鳴嘯不已
妻子驚死或終夜不寐因作詩以喻吕前賢放
逐而聞是吕而述云以見吾志

元精自萬彙羽族何茫茫為怪有鴉鴉為瑞稱鳳皇
皇不時出未識五色章吾生在鄒魯風土殊遠方鳴鳩
隨乳燕日夕巢我梁翩翩雜鳥雀遠屋卒為常又泛筮
仕來五年居帝鄉更直入承明侍宴到未央上林聞鶯

轉巧舌如笙簧鴉鴉徒知名聞見實未嘗頃年謫商山
聽之已悲涼今茲出內庭罰郡未永陽誰知爾鷓鴣營
菓在城墻年如睡漸少秋盡漏且長鳴嘯殊不已歷
含微霜孺人泣我右稚子啼我傍吾心非達士詎免悵
亦悵人生總百歲忽若石火光其間有窮通幽昧難自
量我愛卑與夔我冠冥舜堂蕭韶聞九成丹穴未鏘
又愛閔與散陳力遇文王鷺鷥聽岐山多士同道昌吁
嗟漢賈誼年少謫南荒故有鵬鳥賦倚伏理甚詳邨公
暨鄴侯放逐同一邦夜深聞此鳥韋公涕沾裳李侯舉

酒令斯音非不祥坐客如不聞罰之以巨觴遂使惡鳥

聲聽之靡所傷

天寶中韋卯公謫蘄州時李鄴侯亦以處士放逐因夜飲聞鴉鴉韋公注下

李侯曰此鳥人以為惡其聲可憐乃令生客有不聞其聲者罰以大白由是聽之不厭

贊呈貶表

川懷鴉義亦臧

李太尉有鴉賊

乃知昔賢哲未免亦悽惶况

予不肖者邀寵在朝行報國惟直道謀身昧周防四年

兩度黜鬢髮已蒼雖得五品官銷盡百鍊鋼何當解

印綬歸以謝膏梁教兒勤稼穡與妻甘糟糠鳳未非我

慶鴉集非吾殃優游盡天年身世俱可忘

甘菊冷陶

經年厭梁由頗竟道氣渾蓋春致齋戒勅厨唯素餐淮
 南地甚暖甘菊生籬根長茅出茅土膏小葉弄晴暎采
 采忽盈把洗去朝露痕俸麪新且細澣牢如玉墪隨刀
 落銀鏤煮投寒泉盆雜此青々色芳香敵蘭蓀一舉無
 子遺空塊越盜存解衣露其腹稚子為我捫飽慙廣文
 鄭飢謝魯山元廣文先生飯不足况吾草澤士蒸藿供
 朝昏謬因事筆硯名通金馬門官供政事食久直紫微
 垣知制誥給改事誰言謫滁上章族飽且温既無甘旨
 慶焉用器味繁子美重槐葉直欲獻至尊事見杜工部
槐葉冷陶詩

起予有遺韻甫也可與言

霽雨中偶書所見

丙申二月七是夕月離畢春雲忽霽霽春雨復濛密綿
綿殆三旬不見天上日謫官在淮甸幽抱常鬱豈無
琅邪山泥濘不可出空廷唯蚯蚓得勢互蟠屈乘茲積
陰氣小穴恣出沒山禽忽飛下長嘴咏深窞倒曳方力
爭強吞遽全失食土與巢林上下非儔匹胡然罹此酷
不能保微實嗟彼群小傾奪事匪一儀鳳去九夷神
龍入泉室如何役吾眼瞻視此小物歸來因浩歎自悔

成詩筆

唱山歌

滁民帶楚俗。丁里同巴音。歲稔又時安。春來恣歌吟。接
臂轉若環。聚首叢如林。男女互相調。其詞事奢淫。脩教
不易俗。吾也弗之禁。夜蘭尚未闕。其樂何惜。用此散
楚兵子房。謀計深。乃知國家事。成敗因人心。

訓楊遂

楊君江左士。文律何飄。人言未冠時。作賦凌洞簫。甲

科中南國

江南狀元及第

通籍趨東朝

入中國為贊善

輒軻位不進陶

潛還折腰

復為縣令

宰邑向蜀道崔蒲忽興祿官小力不支

犇竄避槍刀朝廷貴守土點入縣佐僚昨朝寫孤憤遺
我有客謠伊予亦左迂諷之心無憊人生一世間吾泰
可安逃始問道何如未必諭早高自古富貴者獠亂如
慕高德業苟無取未死名已消豈期顏子淵不朽在一
瓢推此任窮達其樂方陶、遠則為鷓鴣窮則為鷓鴣
垂天与巢林識分皆逍遙

和陽遂賀雨

我罷內廷職出臨永陽民永陽民雖庶未免多飢貧富

之既無術擬，為謹身可堪。今夏旱如燎，復如焚。歿田
本塗泥，坐見生埃氣。稚老無所訴，嗷々望穹昊。食祿憂
人憂，晨夜眉不伸。促次獄中囚，偏禱鏡內神。楚辭有山
鬼，廟貌羅水濱。胡法有浮圖，寺宇連城闔。齋莊命寮案，
供給抽俸緡。鼓笛迎湫水，香花照金輪。誠知非典故，且
慙旱爍人。偶与天雨會，霧沍四郊勻。棹袂復脩堰，野叟
何欣々。可辨官賦稅，亦免農艱辛。變調賴時相，感應由
聖君。于我復何有，敢望歌頌流。清流揚水部，德与我為
隣。仇香官位屈，何遜詩格新。見投賀雨篇，言自人口聞。

天君蓋私我迺實豈相親為霖非有我職業唯詞臣若
有民謠起當歌帝澤春庶使採詩官入奏助南薰楊
使輯百福長
與民為霖
云傾

王黃州小畜集卷第五

王黃州小畜集卷第六

揚州寒食贈屯田張貞外成均吳博士同年殿省

柳丞

前年寒食節持詔直內廷休假百官出獨掩深嚴扃近
侍不敢醉賜酒空滿餅閑就通中枕時聞索上鈴思入
無何鄉兀然欲忘形去年寒食日滁上忝專城山歌喧
里巷春物媚池亭永陽溪水綠琅邪山色青謫官自消
遣不敢誇獨醒往々取官醞時々對花傾醉來念身世
翻使淚縱橫今年在淮海時節又清明對案直留事聽

歌無欣聲胥徒費薄領使客煩送迎陞狂來空歌堰棗
 勞脩營衰病力不支懶慢性已成虛花滿雙目素髮添
 几盞酒散畧無味技樂固難聽誰言寒食日不
 烹屯田布素交屈此闕市征昔年同應舉典衣飛巨觥
 博士東觀客求官得步兵况且丹陛下前同
 丞尹我邑桑梓復弟兄史隱掌齏茗終朝談道經三賢
 宴會少七夕休假并何不策我馬廢苑尋 螢何不蕩
 我舟樓墓訪摘星三春景欲盡九曲渡始平居然逼吏
 後頓此阻交情老態厭春華病身憂宿醒如水若不改

藉糟亦胡寧解叩蓄素志吟詩露丹誠維揚非所愛有
便即歸耕

揚州池亭即事

冥心閱群動亦各趨所安胡為名利人戚々常鮮歎吾
生四十四結珮呼郡官掌言入綸閣待詔入金鑿匪謂
得祿少所嗟得道難前年謫滁州憂時双髮殘賴有琅
邪溪時濯塵纓冠朝僉徒淮海任重力易殫君恩詎可
報感激涕汎瀾民瘼不能治惻隱情悲酸况復多病身
名官心已闌歸田未果決懷祿尚盤桓公退何所適池

八音集卷六
一
凭一凭欄旭日媚春美微風生鳴端呵僮勿挾彈留客
不持竿用真魚鳥馴熙々肆遊觀神仙未可學吏隱耶
自寬孤吟刻幽石此義非考槃

賢一 品孫鄭昱

卜葬得假告南出安上門鞭馬六十里暮投中書村：

翁館我舍茅屋欲黃昏有客忽投刺自称一品孫氣貌
不凡俗因為開酒樽坐久問家謀其族木且繁池州有

清節濫觴發洪源鄭 未

少不受 祿山偽

命由即刺池州不赴任遠隱居嵩洛土五不
最知贈司空細自撰碑

經鉅堂校錄

太傅擅鴻筆入相又出藩

細元和終

鎮

起撰碑其家本開封改號一何尊

細為詞鄉鳳池

至是

至是始六代布衣老立樊

細生祇德祇德之子曰

乾寧中天子大保項子嶠太子少

鳳一品孫博太廟齋即頭德元年終泌陽

一品曾孫

跨驢入府縣驅犢耕郊原家廟固已

毀國史空具存盛德百世著功必格乾坤高大已不祀

羨網何可論况復起章句乘時寵便藩子孫雖替陵尚

得守舊園我愛三代時法度有深根卿大夫称冢世

奉蘋繁四代有定分宦路無馳奔自泛雜霸道傾奪日

小畜集卷六
喧喧脫朱秉金鉞吮筆乘朱軒朝榮暮又辱容易如掌
翻古道不可復頽波益以渾何況度木者倒置輪与轅
我亦起白屋兩朝直紫垣蔭子有冠裳賞言弟与昆盡
待食人祿將何報君恩農桑國之本孝義古所敦五族
不力穡終歲飽且溫雖非享富貴亦以蠹黎元唐賢尚
消歇我輩奚足言呼兕諷此詩播在箎与頌

鳳皇陂

次公治潁川仁政被一方神物不藏瑞茲焉集鳳皇在
昔奏簫韶舜庭來蒼之西伯有至化亦見鳴岐陽仲尼

豈無德已矣空悲傷夫何刀筆吏而能致殊祥我來過
荒陂烟草但蒼蒼緬懷漢循吏史筆恐未詳

月波樓詠懷

有序

月波之名不知得于誰氏圖綴故老皆無聞焉
因作古詩一章凡六百八十字陷于樓壁庶使
樓之名與詩不泯也

郡城無大小雉堞皆有樓其間著名者不過十數家吹
簫事遠覓仙跡費尋求庾公在九江締構何風流謝守
鎮宣城疊嶂名有由東陽敞八詠吾聞沈隱侯白雪架

鄂中調高誰和酬黃雀倚鄂渚仙事去悠悠贊皇謫滌
 上作賦懷嵩丘禳居出俗態澤國多勝遊好景不遇人
 安得名存留齊安古郡廢移此清江頭築城隨山勢屈
 曲復環周茲樓最軒輅曠望西北陬武昌地如掌天未
 入双眸平遠無林木一望同離婁山形如八字會合勢
 相勾東晋方士戴洋言武昌有山無林山形八字勢不
 及九故係權以黃武元年都武昌八年迁建業
 三國事說遠六朝名六休近從唐未來爭奪互仇讐斯
 樓備矢石此地控咽喉終朝望烽燧連歲事戈矛可憐
 好詩景牢落無人收皇家統萬國遠尔盡懷柔三聖四

十年蕩：文德脩淮甸為內地黃岡壓上游儒冠假郡
印賤更若公郵冗多辨職吏誰肯恣吟謳伊余何為者
竊慕騷人倚而朝掌文翰十年侍冕旒去歲出西掖謫
居抱穷愁日：江樓上風物得冥搜何人名月波此義
頗為優西南新桂魄初上懸玉鉤晚瀨清且淺漂蕩影
沉浮三五金波滿夜光如暗投驪龍弄頷珠晃朗照汀
洲澹臺披寶劍碎壁斬長虬水輪曉入地推下赤金球
闌干四五星斜漢印清秋誰家上九燈兒盛剗菰蘆此
景吟不出謾使聲呦：千里畫圖閣四時興詩幽野花

媚宮纈芳草鋪碧紉火雲照沙浦暴雨傾瓦溝白亂蘆
花散紅殷蒸穗稠簷水垂若練雪片大于鷗江籬烟漠
漠官柳兩颺舟子斜盪漿牧童倒騎牛水獺有時戲
江豚頗能泗山鳥奏竽籟落霞展衾裯魚網雪離酒
旗風颺旅懷雖自適詩物奈相尤右顧徐邈洞精靈
知在不左瞰伍貞廟荒隙令人羞樓中何所有官醞湛
蚪蚪棋枰留客座琴調待僧抽橘苞鄰藥鼎詩筆間茶
甌平生性幽獨寂寞誰獻酬官常已三黜懷抱罹百憂
凭欄憶王粲望闕同子牟自甘成潦倒無復事聲猷身

世喻泡幻衣冠如贅瘤
放意無何鄉誰分親與仇
寓形朝籍中毀譽任啁啾
君恩無路報民瘼無術瘳
唯慙戀祿俸去未耕田疇
題詩郡樓上含毫思夷猶
功名非范蠡何必泛扁舟

十月二十日作

是日甚寒始有水

重衾又重茵蓋覆衰爛身
中夜忽涕泗無復及吾親
須臾殘漏歇吏報國忌晨
凌旦騎馬出溪水薄澹
路旁飢凍者顏色頗悲辛
飽煖我不覓羞見黃州民
昔賢終祿養性歸隱淪
誰教為妻子頭白走風塵
脩身與行

道多愧古時人

雷

商山春夏旱，雷不降雨及秋。又霖霪雷鼓時一舉，南山復北山，碣磳若瞽虎。君子容必變，所以敬天怒無乃。豐隆鬼恣意，過雷鼓此怒。既非天敬之，亦奚取。

秋霖二首

秋霧過百日，歲望終何如。嘉穀就穗生，茁々垂青鬚。宿麥未入土，大田多泥塗。河濶不辨馬，原高恐生魚。時政苟云失，生民亦何辜。雨若是天淚，天眼應已枯。

山雲百日雨山水十丈波田疇与道路一夕成江河巨
石大于瓮吹轉如蓬窠夏旱既損麥秋潦復無禾津梁
盡傾壞商販絕經過斗米二百金吾生將奈何安敢比
夷齊愚聖不同科應如元魯山餓死深山阿

元魯山
居阻水絕

食而
死

真娘墓

女命在于色士命在于才無色無才者未死如塵灰虎
丘真娘墓止是空土堆香魂与膩骨銷散在黃埃何事
千百年一名長在哉吳越多婦人死即藏山隈無色固

小畜集卷六
無名丘冢宜崔嵬。唯此真娘墓。客到情徘徊。我是好名
士。為爾傾一杯。我非好色者。後人無相咍。

遊虎丘

樂天曾守郡。酷愛虎丘山。一年十二度。五馬來松關。我
今方吏隱。心在雲水間。野性群麋鹿。忘机狎鷗鷺。乘興
即一到。興盡復自還。不知使君貴。何必長官閑。

吳王墓

惜哉吳王墓。秦帝嘗開破。應笑埋金玉。千年賈餘禍。不
待虎跡消。已聞鮑車過。又是驪山頭。炎、三月火。

王黃橄欖 音集卷六

江東多果實橄欖稱珍竒北人將就酒食之先顰眉皮
核苦且澁歷口復弃遺良久有回味始覺甘如飴我今
何所喻、彼忠臣辭直道逆君耳斥逐投天涯世亂思
其言噬臍焉能追寄語採詩者無輕橄欖詩。

為惡

明時巧言士亂世佞倖即佞倖惟苟且巧言顏色藏為
惡雖不同、歸于覆亡

無名正家正位唯此其嫌暮暮到情佛因我是何在
 夢難不同之韻不實可也者使人無相也
 何知此言士居世為朝俯對朝朝且其言既子痛為
 亦大漢無即暗是虎一山一十年十二度之高志其閱我
 其言如觀高強三五番對縣縣後無彈縣縣為鳴未與
 何所偷與與也白龍直直直直直直直直直直直直直
 勤苦且盡盡口勤其勤身久有回和故其甘吐其亦今
 其來其果實勤勤勤勤勤勤勤勤勤勤勤勤勤勤勤勤勤
 王黃州小畜集卷第六 又是龍山詩卷三三月八